



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

*manè discutienda, in Scholis Medicorum, die Jovis decimâ-quintâ
mensis Aprilis, anno Domini M. DCC. LI.*

M. URBANO DE VANDENESSE, Doctore
Medico, Præsîde.

An Ætate, sanitatis tutela Balneum in sumine?

I.



ANITAS, illa organorum corporis humani dispositio, quâ omnes & singulæ functiones ritè ac constanter peraguntur, delicatulam noscenti partium texturam verè miraculum est: servet qui præstans illud à naturâ mutuatus est donum; lugeat qui viribus propriis nimium fidens, & à rectâ vivendi normâ devius hoc amissit fortasse nusquam recuperandum. Quis numerosam morborum cohortem imperterritus aspiciet, morbique causarum lliadem serenâ fronte scrutabitur.

A

Errent homines excessu vel defectu stat æquale periculum. Plurimi epularum, Bacchi, Venerisque victimæ procumbunt, dum multos torquet rigida nimis abstinentia, improbo labore franguntur isti, ignavo illi torpescunt otio, vigiliis concidunt quorundam vires, longiori somno cæteris hebetatur sensuum acumen; huic malorum fegeti, sanitati non infesta minis addas animi pathemata. Aeris ambientis dotes interroga, potentiorum ac omnibus communem morborum reperies causam; Quid mirum? cæteris rebus non naturalibus longè magis corpori necessarius aer, ipsum alternis vicibus frequentiori inficit labe; æstu, frigore, ventis, imbribus inordinatè sævit, hujus mutationum fit sanguis facilè particeps, pro variâ ipsius conditione alteratur diversimodè, Præcipuas quæris in aere mutationes? Præstò sint quatuor anni temperata, Hiems, Ver, Æstas, Autumnus, quæ licet suam sanitati symbolum ferant, peculiare sibi nihilominus morbi germen secum adducunt; cætera inter animantia morborum injuriis magis obnoxia vivit gens humana, quam continuo obfidet animo & corpori affectus proprii, vel utrique communes. Tot malis lacerata quid restet solatii, benignam ni Medicina ferat opem, erigatque titubantem; hæc auxiliatricem dum ægrotanti porrigit manum, & è feracissimo materiæ Medicæ promptuario curativa trahit præsidia, pari vigilantia quærit & prophylactica; horum ope Medicus morbos sanat præsentis, arceat instantes, prævidet futuros ac præcavet; quid cuique temperamento, ætati, sexui conveniatis gnarus ille hominum vitæ tutor, diversa pro anni tempore remedia præscribendo, hanc à morbis incolumem servat.

I I.

(a) Aph. 19.
Lib. III.

(b) Cels. Lib.
II. cap. 3.

(c) Ibid.

(d) Ibid.

(e) Ibid.

QUOS LIBET morbos quolibet tempore fieri posse & exacerbari constat ex Hippocrate (a). Attamen ut quæque suos fert ætas affectus, sic cuique anni quadro familiares excitantur morbi; repentinâ aeris mutatione corpus impundè affici ne credas, vere etenim aliundè saluberrimo rependè fit aer, ut ita dicam, ex frigido tepidus, movetur transpiratio, partim extrâ non promovetur; hinc, ex Cello (b), tum lippitudines, pustula, profusio sanguinis, abscessus corporis . . . bilis atra quam melancholiam appellant Græci, morbus comitialis, angina, gravedines, destillationes oriri solent, &c. Vernum tempus excipit æstas prædictarum sæpè non expers affectionum; tunc perpendiculares sol radios in terram vibrat, adaucto aeris calore agitantur humores, amplo disfluit sudore corpus, siccatur sanguineus latex, & magnam utilis substantiæ cum sero secedentis jacturam patitur, difficilius per vasa fluit, æstuat bilis novas paritura tragedias. Hinc febres (c) ardentes vel continuæ, vel tertiana, ulcera oris, canceri . . . & quidquid sudore hominem resolvit. Nec dira minus invehit infortunia autumnalis alterna frigoris & caloris vicissitudo; hinc febres (d) incertæ, lienis dolor, aqua inter cutem, tabes, urina difficultas, lenteria. Idem quo tempus (Autumnus) & diutinis morbis fatigatos, & ab æstate proximâ oppressos interimit & alios novis morbis conficit, & quosdam longissimis implicat, maximeque quantanis qua per hiemem exerceant. Vigent variolæ vel benignæ vel malignæ, quæ si antiquis notæ non speciali caractere fuerunt designatæ. Vexant intestina dysenteria, leguminum fructuumve facilè putrescentium frequentioris elus soboles. Autumnus succedit Hiems, tunc, duro sæviente gelu, furit nervis ipimicus Aquilo, cutis stringuntur spiracula, difficilis admodum transpiratio, ineluctabilis hujus ad interna refluxus; hinc capitis (e) dolores, tussim & quidquid in faucibus, in lateribus, in visceribus mali contrahitur irritat. Sic ergo cognitis morborum cuique anni tempestati propriorum causis, quid hisce delendis sit agendum suadet praxis rationi consona, sitque firma lex, Brumâ rigente liberum transpirationis effluvium omni nisu conciliare, hujusque refluxum medicamentis leviter diaphoresim moventi-

3
tibus impedire, ætate verò humorum fervorem compescere, sanguini vehiculum fervare, rigidiores vasorum laxare fibras, laxiores stringere, & ita liquidorum expeditiorem præstare circuitum. Huic operi perficiendo nihil balneo in flumine aptius existimes, hæc emolumenta ab aquæ fluvialis naturâ, pondere, motu, humiditate, ac frigiditate speres.

I I I.

BALNEUM in genere est corporis in aquâ lavatio, hanc ablutionem munitiei causâ primùm inventam, ad Medicos usus posthæc delatam fuisse narrant antiquiores Medicinæ scriptores. A balnei perfectâ utilitate hujus adhibendi emerfit diversitas. Hinc totale quo totum, excepto capite, lavatur corpus, partiale quo crura pedesve tantùm abluuntur, semicupium pediluviumve appellant. Domi paratur calidum vel tepidum in quo per unius, alterius, pluriumve horarum spatium sedere est; in tali dormiebat magnus Alexander dùm febre laborabat (a). Thermale dixeris quo totum corpus vel pars quædam aquâ thermali, vel ejusdem luto immergitur, vel denique ex altiori loco deciduâ irrigatur, stillicidium voces vulgò (*Douche*). Aliam balnei speciem mare subministrat, maximum hydrophobis præsidium quo totum corpus marinis immergitur aquis. Hæc autem morbos ad edomandos inventa ægros decent, licet sanos non offendant. Valentibus, in arenoso, limpidoque flumine præstat balneum cujus omnia ad sanitatem concurrentia bona, ita per se patent ut enarrari sufficiant, non probari indigeant. Alia ipsi propria, aquarum sinceritas, levitas, perennisque motus, multa cum cæteris communia. Aquam humiditate duriora penetrare corpora plurimis vincitur experimentis, quàm faciliùs ergò ista, *balneantium* per cutis poros, ad intima usque propellitur? Hæc pigros ac inertes corporis succos putredini proximios commovet, igneos ac inquietos frænât; pondere premuntur solida, pressa majorem vim in fluida exercent, attenuant, ipsorum motus juvant; fecernenda vacuantur, *fluxilior* facta bilis nullas in colatoris experitur moras, non metuenda proinde in hepaticis vasis concretio melancholicorum affectuum parens. Quot præterea appellant ad cutem guttulæ? Quot cuneorum ad instar per poros insuntur altius permeaturæ, dùm validior fibrarum tonus humores conqussât? Solvitur ergò, si quæ sit crassior sanguinis compages, viscosa diluitur vasorum parietibus impacta materies, ad glandulas fit liber aditus, amplior urinæ fluxus, alvarum sæcum exoneratio faciliior. Frigore solaribus radiis moderato, non destructo, laxi coercentur poruli non occluduntur, effrænato sudoris effluxui ponitur obex, ad cerebrum copiosior affluit sanguis spiritus animales abundè creaturus, undè virium reparatio, lassitudinis cessatio, concitatur appetitus, alacrius munere fungitur ventriculus, exactius cibi concoquuntur ac distribuuntur, placidior subsequitur somnus. Sic quidquid boni manat ex sanguinis spirituumque requisitâ fluiditate balneum in flumine largitur.

I V.

SIMPLICIORA remedia & innoxia magis, sunt non ritè præparato toxica; sic & balneum. Incautus ergò ne te fluctibus committas, plethorâ non turgescant vasa, vena tundatur, saburrâ vacuentur ventriculus & intestina; matutinis horis jejunoque stomacho, vel vespertinis, peractâ alimentorum coctione, ante solis occasum, quàm meridiano tempore faustum tibi magis existima balneum per plures iterandum dies. Non sordidæ stagni vel riparum tibi latera premant aquæ, sed fluminis ambitiosè fluentis in medio, arenularum granula pedum plantas blandè titillent; si natandi conceditur peritia, nates & exercitii causâ non ad lassitudinem usque: à balneo recede ubi primùm levis tremor artus occupet, nec te statim cibus ingurgites, nec largiori indulgeas po-

(a) Plutarchus

tui. Non defunt morbi aquæ frigidæ balneo cedentes. Hujus ufum fuadente Antonio Mufâ Medico, à gravi morbo convaluit Augustus Imperator de cujus salute desperatum erat. Puellam in flumen mergendo à phrenitide liberavit Willifius. Hæmorrhagiis (a), inflammationibus, eryfipelati, arthritidi, artuum tremori, paralyfi, rheumatifmo, fuffocationi uterinæ, hystericæ paſſioni, affectioni hypochondriacæ, ſterilitati, aſthmati convulſivo, & aliis nervoſi ſyſtematis affectionibus, balneis medentur Angli frigidis. Exulenti ab iis infirmi aut debiles, ſeniores, infantes, & ii qui frigidâ redundant cacochymia, procùl & qui hæmorrhoidum, menſtruorum, lochiorumve evacuationibus ſuppreſſis laborant. Non noxia minus balnea frigida in colicis doloribus, hemiplegiâ, ulceribus internis ac externis, licet haud inveteratis proſint tollendis in hepate obſtructionibus.

V.

NON unico deliciarum genere commendatur in flumine balneum, extrâ urbem mirabere Sequanam cùm balneandi tempus adest, lati viſeſcunt hic & illic campi, obſectorum varietate cymbarumque continuò motarum ſpectaculo recreantur viſionis organa, aperto ac ſereno cœlo purus ſpiratur aer, pulmonum veſiculæ expanduntur faciliùs; liberiori reſpiratione ſanguinis circuitui calcar additur, fit indè laudabilior hæmatofiſ. Variarum exercitationum partes ſub ſe complectitur iſtud balneum quas pro viribus cuique diſtribuit. En natant iſti, mergunt alii, dùm tibi naviculæ placido motu ſuccutitur corpus. Cachinnos ecce movent inordinatî nautarum ſermones, ibi non injucundus fit tumultus; lætitiâ quidquid videas redolet. Arcet à balneo periculi metus? timidorum natandique in arte rudium ſolamen inſiguntur pali; fuſtium ope artiſcioſè conſecta ac linteis cooperta, pudicitiaſ tutamen, ſtant undique tentoria. Sed ne longiùs excurrat ſermo, artiſices, operarios, & cujuſcunque conditionis homines è balneo redeuntes obſerva, quos antea languentes, laſſatos, ac ſolis æſtu deſiccatos, vidiffes, hos alacres, ad laborem promptos, ciborum appetentes reperias, firmâque ſanitate gaudentes quos morbus ex anni tempeſtate oriundus, abſque balnei in flumine præſidio propedièm invaliſſet.

Ergo Æſtate, ſanitatîs tutela Balneum in flumine.

Proponēbat Pariſiis JOANNES-BAPTISTA THURANT, Pariſinus,
Saluberrimæ Facultatis Medicinæ Pariſienſis Baccalaureus, A. R. S. H. 1751,

A SEXTA AD MERIDIEM,